

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA
OPĆINSKI SUD U BUGOJNU
Broj: 46 0 I 124361 25 I
Bugojno, 28.04.2026. godine**

OPĆINSKI SUD U BUGOJNU, sudac Ivan Gudelj, u izvršnom postupku tražioca izvršenja OPĆINA DONJI VAKUF, zastupana po OJP Donji Vakuf, protiv izvršenika Sole Ahmed, Prusac bb, Donji Vakuf, radi izvršenja, v.sp. 54,00 KM, van ročišta, donio je dana 28.04.2026. godine, slijedeći:

**Z A K L J U Č A K
o prvom prodaji pokretnih stvari izvršenika**

Rješenjem Općinskog suda u Bugojnu, broj: 46 0 I 124361 25 I od dana 09.01.2026. godine, dopušteno je izvršenje protiv izvršenika Sole Ahmed, Prusac bb, Donji Vakuf, radi namirenja potraživanja tražioca izvršenja prodajom pokretnih stvari izvršenika.

Dana 11.03.2026. godine zaplijenjene su i popisane pokretne stvari izvršenika Sole Ahmed, Prusac bb, Donji Vakuf, te se

1. Određuje se prva prodaja pokretnih stvari izvršenika i to:

R.br.	Opis popisanih stvari	Kom.	Vrijednost
1.	motorno vozilo Golf II, broj registarskih oznaka: O12-K-271, godina proizvodnje 1992, crna boja	1	800,00 KM
UKUPNO:			800,00 KM

i to putem usmenog javnog nadmetanja na dan 26.05.2026. godine (UTORAK) u 09:00 sati u zgradi Općinskog suda u Bugojnu, soba broj 10.

2. Najniža prihvatljiva ponuda po kojoj se predmetne stvari mogu prodati je 1/2 utvrđene vrijednosti po jednoj stvari; Početne ponude za prvo ročište na iznose manje od 1/2 utvrđene vrijednosti neće biti razmatrane;
3. Utvrđuje se da je vrijednost pokretnih stvari iz tačke 1. ovog zaključka određena u ukupnom iznosu od **800,00 KM**, a na osnovu procjene koja je urađena od strane sudskog izvršitelja Damir Govorušić;
4. U javnom nadmetanju kao kupci mogu učestvovati samo osobe koje su prethodno dale osiguranje, koje iznosi 1/10 utvrđene vrijednosti pokretne stvari koja je predmet prodaje, s tim što ne može iznositi više od 10.000,00 KM. Osobe koje sudjeluju u javnom nadmetanju dužne su prije početka ročišta sudu predati dokaz o uplaćenom osiguranju. Osiguranje se polaže na depozitni račun Općinskog suda u Bugojnu br. 1011300000295629 kod Privredne banke Sarajevo, sa naznakom broja predmeta;
5. Ponuđačima čija ponuda ne bude prihvaćena osim za tri najbolja ponuđača, vratit će se osiguranje odmah nakon zaključenja javnog nadmetanja;
6. Ponuđač s najvećom ponudom dužan je platiti cijenu 7 dana nakon objavljivanja rezultata ročišta za prodaju. Ako to ne učini, drugi ponuđač bit će proglašen kupcem i dužan je platiti cijenu koju je ponudio i tako redom;

7. U slučaju da ni jedan ponuđač ne plati cijenu, sud će na zahtjev jedne od stranaka oglasiti da ročište za prodaju nije uspjelo, a stranka može, u smislu odredbe člana 131. stav 3. Zakona i izvršnom postupku (“Službene novine FBiH” br.32/03, 52/03, 33/06, 39/06, 39/09 i 35/12: u daljem tekstu: ZIP), u roku od osam dana tražiti zakazivanje novog ročišta;
8. Ukoliko ni jedna stranka ne predloži održavanje novog ročišta za prodaju u roku iz tačke 7. ovog zaključka, ili ako se stvari ne uspiju prodati na drugom ročištu, Sud će, u smislu stava 5. navedenog člana, obustaviti postupak;
9. Ovaj zaključak o prodaji bit će objavljen na oglasnoj tabli suda, a tražilac izvršenja može ga objaviti i u javnim glasilima o svom trošku.

S u d a c
Ivan Gudelj

Pouka o pravnom lijeku:

Protiv ovog zaključka nije dopušten pravni lijek.